

# INUIT ATAQATIGIIT

## Inatsisartuni



UPA 2017/48  
Nuuk, 3. Maj 2017  
Iddimanggiu Bianco

### **1. Januar 2018-miit atuutilersumik inatsisinut nalunaarutit atuutsinneqalernissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Peter Olsen, Inuit Ataqatigiit)

Siullermik Peter Olsen siunnersuuteqartoq qujaffigerusuppara siunnersuutaanut.

Inuiaqatigiit aqqissuussaananut inatsisit qanoq pingaaruteqartiginerat tamakkerluta ilisimavarput, taamatuttaaq ersarissuunissaannut, paasiuminartuunissaannut aammalu pissarsiuminartuunissaannut pingaaruteqassusia aamma ilisimallutigu.

Taamaakkaluartoq siunnersuummi ersarissaataasumi tamanna pisuaannarsimanginneranik ersersitsivoq, tassa inatsisit allannguuteqarnerini tamatigut ersarissumik nittarsaasinnaaneq ajornartarsimalluni. Tamanna pissusissamisuunngilaq.

Siunnersuut innuttaasunut taamatuttaaq Inatsisartunut inatsisinik atuuttunik ersarissumik ilisimasaqarnissaannut aamma ajornangittumik inatsisinik atuuttunik pissarsisinaanissaannut tunngavilik paasiulluinnarlutigu Inuit Ataqatigiinniit oqariartuutigissavarput. Tamannalu kikuugaluarutta naleqartitassatta ilagissagaat pingaarsorinarpoq.

Naalakkersuisut akissutaanni aporfusinnaasut taakkartorneqartut tassaapput inatsisit paasiuminartuujuarnissaannut apequtaasinnaasut. Tassa sumiorpaluutsit aamma pequtaqaataasarnerat inatsisinut paasinninnermut. Tamakku aporfusussaangikkaluarpud inatsisinut allannguutaasimasunut atuutilersimasumut pissarsiaqarniarnermi.

Taamatuttaaq innersuunneqartumut nittartakkamut [www.inatsisit.gl](http://www.inatsisit.gl) ersarikkaluartoq, inatsisartutut angorusunnarpoq qanoq ililluta pitsaanerpaamik inatsiseqarnikkut nittarsaasisarnissaq siunnissami pitsanngorsassanerippud.

Taamaattumik siunnersuummut tapersiilluta, sukumiinerusumik suliassanngorlugu ataatsimii-tsitaliamut susassaqartumut ingerlateqqipparput.

Qujanaq